

然閩蟹

中

犀海

錯

志疏譜





譜

蟹

撰 肱 傳

叢書集成初編

(補印本)

蟹譜及其他二種

一九三九年十二月初版
一九六〇年一月補印

商務印書館出版

上海市印刷六廠印刷

蟹譜

宋 恽山傳 肱子翼撰

蟹之爲物雖非登俎之貴然見於經引於傳著於子史志於隱逸歌詠於詩人雜出於小說皆有意謂焉故因益以今之所見聞次而譜之自總論而列爲上下二篇又敍其後聊亦以補博覽者所闕也神宋嘉祐四年冬序

總論

蟹水蟲也其字從虫

反。肝鬼。

亦曰魚屬故古文從魚作蟹以其外骨則曰介蟲取其橫行目爲螃蟹焉骨眼

蝟腹蜺腦螯足其爪類拳丁其螯類執鉞匡跪又皆外刺性復多躁或編諸繩縷或投諸笮簞則引聲喚沫必死方已類皆鱗育生於濟鄆者其色紺紫出於江淞者其色青白

此舉其所育多者爾。凡有水之地不無此味。

小者謂之蜚

蛆中者謂之蟹匡長而銳者謂之蟹

音載。

甚大者謂之蟾蜍雖皆有佳味獨蟹參於藥論耳明越谿澗石

穴中亦出小蟹其色赤而堅俗呼爲石蟹與生伊洛者無異臀圓多腴而奪之螯臍長多瘠而與之蝦其

於盛生夏者無遺穗以自充俗呼爲蘆根蟹

謂其止食蘆根。

瘠小而味腥至八月則蛻形已蛻而形浸大秋冬之

交稻梁已足各腹芒走江俗呼爲樂蟹最號肥美由江而納其芒於海中之魁遇冰雪則自伏淤澱不可

得矣。今人設哨具以案酒者。此特爲之先置焉。江淮間尙推重如此。況非所育之地乎。何曾食蔬。弘君食橄。不珍此味也。虞祿南史有傳。惜名存而書亡。此爲恨耳。曰蜚蛆者。二月三月之盛。出於海塗。吳俗猶所嗜尙。歲或不至。則指目禁煙。謂非佳節也。今之通泰。其類寔繁。然有同彭蠡。差大而毛。好耕穴田畝中。謂之蜚基。毒不可食。晉蔡道明誤食之。幾死。尤宜慎辨也。又多生於陂塘溝港。穢雜之地。往往因雨。則瀕海之家。列陣而上。填砌緣屋。雖驅掃之不去也。噫。蟹雖微類。至於輸芒以朝其魁。其得自然之禮歟。嗜慾已足。捨陂港而之江海。其得自然之智歟。雖外則躁。而內無他腸。其得自然之正歟。豈獨以其滋味飲食。適人之口腹哉。故論其略。而冠諸二篇之首。

上篇

離象	有匡	仄行	蟬蟬	走遲	蟲孽	性躁	左持
捕鼠	不啖	郭索	蜚基	誅解系	蛙矜	龜長	侈味
瑣珞	介蟲之孽	無腸公子	天文	食證	異名	誠嗜	兵異
集鼠	鰕類	浦名	畫	輸芒	蛤腹	同鼠孽	爲菑
玉篇	月令	圖經	琴聲	廣韻	說文	長生	食實
斬王據	藥證						

離象

易之離象曰爲鼈、爲蟹、爲羸、爲蚌、爲龜。孔穎達云：取其剛在外也。

有匡

檀弓曰：成人有其兄死而不爲衰者，聞子臯將爲成宰爲衰。成人曰：蠶則績而蟹有匡，范則冠而蟬有綏，兄則死而子臯爲之衰。孔穎達云：蟹背殼似匡。

仄行

周禮梓人爲簠簣，別敍小蟲蟹屬以爲雕琢。鄭康成注云：刻畫祭器，博庶物也。蟲自外骨至胷鳴，內有仄行者。釋云：蟹屬。賈公彥疏曰：今人謂之螃蟹，以其側行者也。內卻行者，螾蛄之屬，卽由延也。脰鳴者，卽蝦蟆也。紆行者，卽蛇也。案周禮祭器未有以由延、旁蟹、蝦蟆以蛇爲飾者，不知起何法制，且經文但云以雕琢耳。康成專取爲祭器之飾，義誠未安。

蝓蟬

爾雅釋魚篇云：蝓蟬，小者蝓。蝓蟬屬，見埤蒼。或曰卽蝓也，似蟹而小。

走遲

大司樂樂六變，注：蛤蟹走則遲。

蟲孽

越王勾踐召范蠡曰。吾與子謀吳。子曰。未可也。今其稻蟹不遺種。其可乎。注。蟹食稻。對曰。天應至矣。人事未盡也。王姑待之。

性躁

荀子勸學篇云。蟹六跪而二螯。非蛇蟺之穴。無所寄託者。用心躁也。注。跪。足也。螯。蟹首上如鉞者。序謂蟹皆八足。此云六者。謬文。然今觀蟹行。後兩小足不着地。以其無用。所略而不言。

左持

晉春秋畢吏部卓字茂世嘗謂人曰。左手持蟹螯。右手執酒杯。拍浮酒池中。足樂一生哉。

捕鼠

淮南子曰。使蟹捕鼠。必不得。

不啖

虞預會稽典錄云。吞舟之魚。不啖鰕蟹。玉篇作鰕。長鰕也。熊虎之爪。不剝狸鼠。

郭索

太玄銳首一蟹之郭索。後蚘黃泉。范明叔云。一水也。所稱泉亦爲水。所稱蟹五爲蟹。所稱蚘。言蟹之與蚘者。雖有郭索多足之蟹。不如無足之蚘者。以其用心之一也。

蟹基

晉書蔡謨字明道初渡江見蟹基大喜曰蟹有八足加以二螯令烹之既食吐下委頓方知非蟹後詣謝尚而說之尚曰卿讀爾雅不熟幾爲勤學死

誅解系

晉解系字少連與趙王倫同討叛羌時倫信用佞人孫秀與系爭軍事更相表奏朝廷知系守正不撓而召倫還系表殺秀以謝氏羌不從後倫秀以宿憾收系兄弟梁王彤救系等倫曰我於水中見蟹且惡之況此人兄弟輕我邪遂害之

蛙矜

莊子秋水篇公子牟曰子獨不聞夫壻井之鼃乎謂東海之鼃曰吾樂與吾跳梁乎井幹之上入休乎闕甃之崖赴水則接掖持頤蹶泥則沒足滅跗還軒

音寒義云井中赤蟲一名蛙

蟹與科斗莫吾能若也

龜長

大戴禮云甲蟲三百六十四神龜爲之長蟹亦蟲之一也

侈味

南史何脩字子季出繼叔父曠所更字脩叔初脩侈於食味前必方丈後稍欲去甚者猶食白魚鮓

市演反

肺糖蟹以爲非見生物擬食蚶蠣使門人議之學生鍾毓曰鮠魚就肺驟見屈伸蟹之將糖躁擾彌甚仁人用意深懷此但至於車螯蚶蠣眉目內闕慚渾沌之奇獮殼外絨非金人之愼不悴不榮曾草木之不若無馨無臭與瓦礫其何殊故宜長充庖廚永爲口實

瑣詰

郭景純江賦云瑣詰腹蟹水母目蝦又松陵集注云瑣詰似蟬常有一小蟹在腹中爲蛞出求食蟹或不至蛞餒死所以淮海人呼爲蟹奴

介蟲之孽

月令章句曰介者甲也謂龜蟹之屬

後漢五行志

無腸公子

抱朴子云山無腸公子者蟹也

天文

釋典云十二星宮有巨蟹焉

食證

孟詵食療本草云蟹雖消食治胃氣理經絡然腹中有毒中之或致死急取大黃紫蘇冬瓜汁解之卽差

又云蟹目相向者不可食。又云以鹽漬之甚有佳味。沃以苦酒通利支節。去五臟煩悶。予謂亦不可與柿子同食。發霍瀉。

異名

中華古今注云。蜚蛆小蟹也。生海塗中。食土。一名長卿。其一蜚褊大者。爲擁劍。一名執火。

誠嗜

混俗頤生論曰。凡人常膳之間。猪無筋。魚無氣。雞無髓。蟹無腹。皆物之稟氣不足者。不可多食。

兵異

軍略災篇云。地忽生蟹。當急遷。砦柵不遷。將士亡。

集鼠

陶隱居云。仙方以黑犬血灌蟹。三日燒之。諸鼠畢集。

蟹類

郭景純傳。山海經云。蟹形如車文。青黑色。十二足。長五六尺。似蟹。雌常負雄而行。魚者取之。必雙得。卽吳都賦所謂乘蟹者也。呂延濟亦注云。似蟹。

浦名

南齊建武四年。崔慧景作亂。到都下。今之金陵。不克。單馬至蟹浦。投漁人太叔榮之。榮之故爲慧景門人。時

爲蟹浦戍。因斬慧景頭。納鮑藍中。送都下焉。

畫

唐韓晉公滉善畫。以張僧繇爲之師。善狀人物異獸。水牛等外。後妙於旁蟹。

輸芒

孟詵食療本草云。蟹至八月。卽啗芒。兩莖長寸許。東嚮至海。輸送蟹王之所。陶隱居亦云。今開蟹腹中。猶有海水。乃是其證。予謂卽陸魯望云。執穗以朝其魁者也。與夫羔羊跪乳。蜂房會衙。俱得自然之禮。

蛤腹

唐顧況字逋翁。混胎丈人。攝魔還精符曰。螟蛉之子。蝦目蟹腹。卽卽周周。兩不相掩。此之謂體異而氣同。

同鼠尊

唐陸龜蒙字魯望。作稻鼠記。引國語曰。今吾稻蟹不遺種。豈吳人之土鼠與蟹更伺其便。而効其力。殲其民歟。

爲菑

晉隱逸傳。夏統字仲御。會稽永興人也。幼孤貧。養親以孝睦聞。初兄弟每採梠求食。星行夜歸。或至海邊。拘蠨蠖以自資養。

六足。許慎說文云。蟹九毀切。唐韻云。獸皆相居切。蟹類也。唐六足二螯者也。蛻似龜。白身赤首。韻從虫。鹽藏蟹。

長生

陶隱居云。仙方投蟹於漆中。化爲水。飲之長生。

食葺

陶隱居云。蟹未被霜者。甚有毒。以其食水葺也。音人或中之。不卽療。則多死。至八月。腹內有稻芒。食之無

毒。食證云。大黃紫蘇冬瓜汁等。是其所療方。見食忌。

斬王攄

晉書劉聰字玄明。卽僞位。左都水使者襄陵王攄。坐魚蟹不供。斬于東市。

藥證

本草云。蟹蟬味鹹。性寒有毒。主胃中邪氣。熱結。痛。噎。僻面腫。解結散血。愈漆瘡。養筋益氣。取黃以塗。久疽瘡。無不差者。又殺莨菪毒。其爪大主破胞墮胎。陳藏器本草云。人或斷絕筋骨者。取脛中髓及腦。與黃微熬。納瘡中。卽自然連續。海藥本草云。石蟹。案廣州記云。出南海。祇是尋常蟹。年深歲久。日被水沫相把。因茲化成石蟹。每遇海潮。卽飄出。又有一般者。入洞穴年深。亦成石蟹。味鹹寒有毒。主消青盲。眼浮翳。又主眼澁。皆細研水飛。入藥相佐。用以點耳。

下篇

孝報

殊類

貪化

採捕

泉比

兵證

貢評

風蟲

鬱洲

食品

恠狀

斷弊

蟹杯

令旨

蟹戶

兵權

蟹征

螺化

食珍

蟹浪

酒蟹

白蟹

盪浦搖江

紀賦詠

孝報

初杭俗嗜蟹。而鄙食蟹。時有農夫田彥升者。家於半道。幼性至孝。其母嗜蟹。彥升慮其鄰比。開笑常遠。市於蘇湖間。熟之以布囊負歸。俄而楊行密將田頔於倫切兵暴至。鄉人皆竄避於山谷。糧道不接。或多餒死。獨彥升挈囊負母。竟以解免。時人以爲純孝之報焉。

殊類

震澤魚者。陸氏子。舉網得蟹。其大如斗。以齏剪其網皆斷。陸氏子怒欲烹之。其侶老於魚者。遽進曰。不可。吾嘗聞龜蟹之殊類甚者。必江湖之使也。烹之不祥。乃從而釋之。蟹至水面。橫行里許。方沒。

貪化

神宗朝。有大臣趙氏者。名某雖於國功高。然其性貪墨。私門子弟苞苴。上特優容之。一日因錫宴。上召伶官使諭己意。伶者乃變易爲十五郎。姓旁。因命釣者。俄一人持竿而至。遂於盤中引一蟹。十五郎見而驚。

曰好手脚長我欲烹汝又念汝是同姓且釋汝翌日趙果出鎮近輔

採捕

今之採捕者於大江浦間承峻流環緯簾而障之其名曰斷音鍛於陂塘小溝港處則皆穴沮洳而居人盤黑金作鉤狀置之竿首自探之夜則燃火以照咸附明而至焉若魚以餌而釣之

泉比

煎茶之法視其泉若蟹目然魚鱗然第一法

兵證

吳俗有蝦荒蟹亂之語蓋取其被堅執銳歲或暴至則鄉人用以爲兵證也

貢評

國家貢口實於遠方者蛤蜊亦貢焉獨蟹不貢議者以爲貢不貢固有差品予謂非也蛤蜊止生於海塗邇京州郡無有也故須上供旁蟹盛育於濟鄆商人輦負軌跡相繼所聚之多不減於江淮奚煩遠貢哉予嘗見監御廚王染院云御食經中亦有煮蟹法但不常御錫命則進耳非謂無錄而不在貢品

風蟲

蟹之腹有風蟲狀如木鼈子而小色白大發風毒食者宜去之

鬱洲

江潮諸郡皆出蟹而蘇尤多蘇之五邑婁縣爲美

即崑山也

婁縣之中生鬱洲吳塘者又特肥大鬱洲即孫恩所保之地

食品

北人以蟹生析之酤以鹽梅芼以椒橙盥手畢即可食目爲洗手蟹

性狀

吳沈氏子食蟹得背殼若鬼狀者眉目口鼻分布明白常寶翫之

斷弊

蟹至秋冬之交卽自江順流而歸諸海蘇之人擇其江浦峻流處編簾以障之若犬牙焉致水不疾歸而歲常苦其患者有由然也雖州符遣卒俾令弃毀而吏民万端終不可禁羅江東云蛟蜃之爲害也則絕流不顧漁人之鈎網噫水之病吳久矣又非蛟蜃之比絕流顧網其才識固自有小大哉長民者能推而不疑亦豐歲一助也

蟹杯

其斗之大者

匡一名斗

漁人或用以酌酒謂之蟹杯亦阿陵雲螺之流也

阿陵酒樽用螺魚殼謂之。嵇鋒蟹角內玄外黃。松陵集。海南人目螺之

有文者曰雲螺亦用以酌酒

令旨

藝祖時嘗遣使至江表。宋齊丘送於郊次。酒行語熟。使者啓令曰。須啗二物。各取南北所尚。復以二物。仍互用南北俚語。使者曰。先喫鱸魚。又喫旁蟹。一似拈蚶弄蜆。齊丘繼聲曰。先喫乳酪。後喫喬團。一似噉膿灌血。時朝廷方草創。用度不給。倚江表爲外府。故齊丘及之。左右以令逼使之太甚。相顧失色。使者雅歎焉。故歸朝而間行。

蟹戶

錢氏間置魚戶蟹戶。專掌捕魚蟹。若今台之藥戶哇戶。睦之漆戶比也。

兵權

出師下砦之際。忽見蟹。則當呼爲橫行介士。權以安衆。

蟹征

按周禮。鼈人職。掌漁征。入于王府者。貴其鬚骨之用。以飾器物也。今魚雖鯢鮪以至蝦蟹。悉立征稅之目。非若古人取鬚骨之意也。二浙運使沈公立。以歲征權奏罷之。議者謂其識體。

螺化

海中有小螺。以其味辛。謂之辣螺。可食。至二三月間。多化爲蜚蝥。今人有得蜚蝥半成。而尙留殼中者。此